

Arubaanse Courant

Anja 25

diahuebs 9 Januari 1964

No. 4935

Johnson ta presenta "State of the Union"

Washington, 9 Jan. President Johnson a bisa den su promer mensahe anual ne congreso mericano "State of the Union", cu e fin di Merca ta un mundu sin guerra. Bow di su gobierno lo ser ehecuta un lucha iremediamente contra pobreza.

E president a causa sorpresa door di anuncia, cu e entrega pe anja fiscal nobo un presupuesto, cu ta basa riba gastunan di un total di 97,8 milliard dollar. Compara cu anterior presupuesto esaki ta un rebaho di cinco cien millon dollar.

En general ta ser spera, cu e gastunan dje anja nobo lo ta riba di cien millard. President Johnson a menciona un diez punto pa llega e anja aki mas a-

cerca dje fin, pa un mundu sin guerra. President Johnson a tuma e paso locual no ta custumber pa invita periodistanan na Casa Blanca, dos ora promer cu e duna su mensahe tocante State of the Union.

Akinan el a contanan cu su mensahe ta un enumeracion di, loke te mihor pa Merca y pe lucha di Merca pa un mundu den cual tur hende ta biba na paz qu otro.

Den cada departamento di gobierno, segun Johnson, lo tin economisacion. Lo no gasta ni un dollar pa cos di bon bida y gobierno lo pone placa disponibel pa progreso di bienestar publica. Un otro fin importante, di tene forza an di guerra den condicion di combate.

E president mericano a pidi pa un rebaho mas lihe posibel di belasting.

Un segundo otro proyecto di ley, Johnson a llama esun riba derechonan civil. Tambe tin urgencia pa esaki, segun el a bisa. Gobierno, asina el a continua a declara probreza guerra y ta desea cu congreso lo aproba e proyecto di ley tocante culdo medico pa hendenan di edad y actua qu eficacia riba tur terreno caminda ta necesario.

Reunion di Erhard y De Gaulle

BONN. 9 jan. Awe a ser anuncia di fuente bon informa na Bonn cu e prome sigulente reunion di president general De Gaulle y Cansiller federal Erhard lo tuma luga dia 15 y 16 di Februari proximo na Paris. E fecha aki ta propone pa president De Gaulle den su mensahe di anja nobo, cu cual e cansiller inmediatamente a bai di acuerdo. E reunion na Februari te prome dje dos encuentronan anual, cu e president frances y cansiller federal di Alemania Occidental meser haci en acuerdo cu e tratado Frances - Aleman di amistad. Segun e circulo menciona a anuncia e segundo encuentro lo tuma luga na Juli dje anja aki na Bonn.



Tivoli ta eligi Reina dia 18 di Januari

Oranjestad, 9 Januari

eleccion pa Reina di Carnaval di Tivoli Club pa aña 1964 cual a worde teni dia promer di Januari ultimo srta. Maria Arends yiu di señor Arturo Arends ta na cabes cu 186 voto, mientras cu su tras ta sigul e otro dos candidatanan Ofelia Wever cu 122 voto y Lillian Lacle cu 112. E candidata pa Joyita cu mas voto tabata Maria F. Arends yiu di señor Lorenzo Arends, cu 250 voto sigul pa Miriam v/d Ree cu 132, Lisette Habibe, Clara M. Arends y Mariela Arends cada uno cu 122 voto. Morella v/d Ree, Lourdes Croes Tarcila Arends y Lourdes Navarette cada uno cu 112 voto. E resultado te awor a i pa votamento di Joker di Tivoli Club ta lo sigulente, Jossy Arends, 315 voto, Otto Navarette 252, Alfonso Paredes 177, Ruben Mansur 212, Walter Arends 135, Mauricio v/d Ree 122, Alan Vieira 122, Nino Habibe 122, Jose

v/d Ree 122, Edgardo Wever 117, Janchi Lacle 114 y Ricardo Arends 113. E di dos y ultimo eleccion cual ta difinitivo ta tuma luga dia 8 di Januari. E ora lo ta conoci kende lo ta Reina di Carnaval di Tivoli pa aña 1964 y alavez kende lo ta Joyita y Joker. Segun nos a worde informa Tivoli lo worde representa tambe den e eleccion pa Prins Pan-

FATUM - Tel: 1845
pa tur bo aseguronan

cho di Aruba pa aña 1964. E-sunan encarga cu esaki lo ta respectivamente Eugene Lacle y Sybren Bruin. E Reina di Carnaval durante un fiesta di carnaval cu lo tuma luga den e club cuminsando dia 1 di Februari venidero.

Un guardia solitario ta tene warda na e tumba di difunto president Kennedy cubri cu sneeuw na e santana na Arlington. E luz eterno ta ilumina e kramsnan. Den background por mira e luznan di Washington.

Lider comunista di Portugal den libertad

Despues di a pasa 23 aña den prison e lider comunistaportugues di 55 aña Manuel Rodrigues Da Silva a keda liber contra pago di un suma di garantia pa motibu di su estado di salu. E ta parcialmente paralisa. Di tur e presunanan politico na Portugal Manuel Rodrigues Da Silva te homber cu tabatin mas tantu anja den prison.

Candidatanan pa Reina di carnaval Bonaire Club

San Nicolas, 9 Januari

Na momento e club di mas activo di San Nicolas, Club Bonaireano ta trahando duro ariba su programa di carnaval pa e aña aki.

Ya tin ocho candidata cu lo competi cu otro pa e corona di Reina di Carnaval di Club Bonaireano e aña aki. E damanan ta Judith Paula, Norris Nicolas, Filomena Marchena, Aura de Palm, Lucy Pourrier, Judith Winklaar, Lucia Wouters y Annie Martinez.

Dia 2 di Februari e miembronan di Club Bonaireano lo bin hunto for di 1 te 6 di atardi pa presencja e resultado di e eleccion pa Reina di Carnaval Club Bonaireano 1963. E Reina di Club lo worde corona dia 7 di Februari. Como atraccion special pa su candidatanan Club Bonaireano a obsega un auto "Austin Healy Sprite" pa esun cu sali Reina di Carnaval di Club Bonaireano pa aña 1964.

HAVE A REAL CIGARETTE
HAVE A
CAMEL



ARUBA'S FAVOURITE
CIGARETTE

DAKOTA Y R.C.A. PROMER TRIUNFADORNAN DEN TORNEO DI FUTBOL PA SCHOOL

(Di Nos Redactor Deportivo)

E promer triunfadornan di e torneo di futbol na beneficio di un kleuterschool na Sta. Cruz a keda dicensi diamars anochi den Wilhelminastadion. E dakotencionan a derrota e hoben equipo di Aruba Jrs cu anotacion di tres gol pa cero, mientras cu e tricolornan di R.C.A. a supera e veloz muchanan di Jong Aruba dos pa uno.

E partido Dakota-Aruba Jrs tabata e promer di e torneo. Den di 20 minuut di e promer mitad,

E Belgo Henri Clerk a gana e careda di Sao Silvestre na Sao Paulo, Brazil. E careda aki ta worde di sponsor pa e corant "Gazeta Esportiva". Manoel Marques di Portugal a termina segundo y Hamoud Aneur di Argelia cu a gana e careda anja pasa a termina di seis e biaha aki.

despues cu un rapido avance di e alero drechi di Aruba Jrs Karel Tromp a caba di fracasa, e dakotencionan ta anota e promer gol di wega.

Tambe nan atake tabata forma riba aladrech. E voorzet di Trinidad ta baha net riba cabes di Tirso Steba, kende ta kop den forma perfecto aden pa habri e score. Keeper Etty Toppenberg di Aruba Jrs no a hanja oportunidad di taha e bala.

Seis minuut despues, cu un proximo atake di Dakota, e hoben delantero Richard Jacobs ta ricibi un pase net aden di doelgebied. E ta completamente liber y cu un rapido movimiento ta gana e defensa cu a trata di drent'e. Cu e mes movimiento ey el akita e keeper di Aruba Jrs tambe for di posicion y e shot di Jacobs cu ta sigi ta bai para te den net pa aumenta e ventaha dakoteno te na 2-0.

Halftime a bai aden cu e score di 2-0 pa Dakota.

Meskos cu den e promer mitad, e muchanan di Aruba Jrs ta muestra di no ta cla ainda pa topa un equipo di e caliber di Dakota. Nan pasenan ta mal coloca y falta di experiencia ta hunga un rol masha grandi den nanderrota.

Aunke mester worde bisa mesora cu Dakota tampoco a hunga un futbol di gaba. Al contrario tambe nan tabata haci demasiado pasonan malo sin cu tin mester.

Den di 27 minuut di e segundo tempo Dakota ta aumenta su ventaha mas ainda ora cu Nulfo Steba ta haci un voorzet skerpi for di ala robes cu ta yega exactamente riba pia di su companjero Dany Pablo. Esaki no ta perde tempo y ta pone un cazonazo aden pa e tercer gol di wega.

Ora cu pa ultimo biaha referi Frans Figaroa ta fluit den e partido aki, e scoreboard tabata marca ainda 3-0 na favor di Dakota. Tabata un partido deskilibra den cual e equipoganador tabata demasiado pa esun perdedor. E dakotencionan no a muestra

OFICINA MARITIMA DE ARUBA
Tel.: 2664-1622

Empaquetamento di Muebles.

sinembargo nan miho futbol, loke indudablemente ta debi na e debil opiccion cu nan tabata tin.

En todo caso manera por a worde spera, Dakota a bira e promer ganador (A) di e torneo.

R.C.A.-Jong Aruba 2-1

Algo miho ekilibra a resulta e segundo partido di diamars anochi, cual a bai entre R.C.A. y Jong Aruba. E tricolornan a logra un triunfo di dos gol pa uno, pero tabata un triunfo, cu a corre peliger varios biaha. E muchanan di Jong Aruba a lanza e promer atake peligroso di e partido aki den di cinco minuut di wega. Keeper Godo Loeffstok di R.C.A. a sali pa intercepta pero no a logra tene e bala y a resulta un peligroso scrimmage dilanti di e gol tricolor.

Algun minuut despues e gol tricolor ta corre peliger atrobe. E blaha aki un pase largo a sorprende e defensa di R.C.A. y keeper Loeffstok a sali buscando di yega na e bala promer cu e midvoor Ren Gomez di Jong Aruba. E delantero tabata sinembargo e promer den yega na e bala, pero e ta lamta esaki dimas pasando e tanto over di cabes di e keeper como over di gol mes.

Jose Boye di R.C.A. ta percura pa e promer gol di wega den di 13 minuut. Despues di ricibi un pase Boye ta haci un rush y for di posicion dificil, casi riba e linea di gol riba aladrech. E ta logra pone un shot skerpi cu ta resulta un gol.

Keeper Mariano Tromp a comete e error di keda para melmei di gol sin cerra e unico skina caminda e bala por a pasa, y Boye a sabi provecha e buraco ey mesora. R.C.A. a bai dilanti 1-0.

Cu mas frecuencia awor e delantero di R.C.A. ta trece e bala riba e mitad di terreno cu nan mester ataca. Falta di miho coordinacion sinembargo ta haci cu nan mes ta kibra nan avancen. R.C.A. a presenta sin diferente di su regularnan.

Un pifia di e defensa di Jong Aruba den di 27 minuut ta habri e caminda pa linksbuiten Walter Brokke anota e segundo gol di R.C.A.

Cu e score di 2-0 na favor di R.C.A. halftime ta bai aden. Apesar di a lanza varios atake den e segundo tempo ta cu un penalty e team di Jong Aruba a logra salba honor. E penalty a worde constata den di 10 minuut di e segundo mitad y a worde cobra den forma perfecto door di Ren Gomez.

Y esaki tabata e ultimo gol di wega. Jong Aruba a haci hopi esfuerzo pa forza un empate pero sin logra.

R.C.A. asina a bira ganador "B" di e torneo y lo tin di enfrenta Dakota diamars awor.

TA BENDE

I auto marca „PLYMOUTH,, anja 1956, den bon condicion.

Pa mas inf: Acudi na Savaneta 347.

E Cas Di Bo Sonjo na prijsnan practico



cu materialnan di construccion di calidad y na prijs atractiva, esey ta solamente na

PETRONA & CROES

Partidonan pa awe nochi

E promer dos partidonan di e torneo no a atrae e cantidad di publico cu nos lo a desea di mira. Ta di spera cu awe nochi y tambe na e proximo weganan di e torneo, un cantidad mas grandi di fanaticos lo acudi na Wilhelminastadion pa presencia e partidonan di futbol.

Awe nochi e torneo ta continua cu dos wega atrobe. Den e promer lo enfrenta otro Tropical y San Nicolas Jrs pa dicidi ganador C, mientras cu e segundo match lo ta entre Estrella y Juventud Millonarios pa dicidi ganador D. E dos ganadornan di awe nochi lo enfrenta otro diamars awor pa saka e segundo finalista. E promer finalista lo worde dicidi diasabra awor entre R.C.A. y Dakota.

Nehroe ta mehora

BHOEBANESJWAR, 9 jan. Den un boletin medico publica ayera ta ser bisa cu e presion di prome minister Nehroe a baha riba un nivel satisfactorio y cu e parti robes di su curpa cu a swak ta restableciendo. E prome minister di India ta mas alegre y ayera el a come normal, segun e boletin.

Marconiphone's TV-Service



See us for non-stop enjoyment of television programs

Even if it is necessary for us to take your set to our shop for major repairs, you won't miss a single program. We'll lend you a set to use while work is being done.

MARCONI PHONE RADIO SALES & SERVICE

San Nicolas

--

Tel. 5325



Gobernador a bishita Club Bonaireano

San Nicolas, 8 Januari.

Mr. N. Debrot, Gobernador di Antillas a haci un bishita na Club Bonaireano na San Nicolas. Naturalmente e Bonaireanonantabata masha contento cu e di dos bishita di e gobernador Bonaireano na nan bunita club. E gobernador atene un discurso di anja nobo pa e miembronan di Union Mutualista Bonaireano, cual a worde aprecia masha pa e hopi Bonaireanonan cu a asisti. Fuera di Gobernador a dirigi palabra tambe maestro di ceremonia John Hart y e presidente

activo di e club Sr. Moises St. Jago. Awe nochí Gobernador y senjora Debrot tin un diner den Basi-Ruti huntu cu algun invitado. Majan Gobernador lo haci un tour. E lo bishita Malmok y diferente cuebanan na costa norte di nos isla. Majan atardi 4'or y mei e ta ricibi un delegacion di e grupo di comedia Mascaruba den presencia di diputado G.A. Oduber. E mes un anochi e diner lo ta den Astoria Hotel ofreci pa B.C. di Aruba.

Seguridad di lidernan


Mericano

WASHINGTON, 8 Jan. President Johnson a duna instruccion pa sorru, cu consecucionan di un desastre, manera un desgracia di avion, lo ta mas menos posible pe direccion di Merca.

Mester vigila, pa laga lo mas menos miembro di gabinete viaha huntu cu e mesun avion. E promer resultado dje instruccionnan nobo ta cu fin dje luna aki solamente tres funcionario altu y no seis manera tabata planea probablemente lo sali pa Tokio pa deliberacionnan.

E causa inmediato pe medida tabata e hecho, cu riba dia di asesinato di president Kennedy no solamente e president y vice president pero tambe seis miembro dje gabinete tabata di caminda pa Washington. E president ta di opinion, cu mester evita ministernan di defensa y exterior sali huntu for Washington.

Papa Bablo VI ta bendicidona e regalo cu el a hiba Bethlehempa e misa aja durante su peregrinacion na e Terra Santu. E regalo tabata un rosa di oro puro (robes).



**BO
TA
SPAAR
HOPI
TEMPO**

cu un
**WASMACHINE
AUTOMATICO!**

Oe Thant ta avisa pa dificultadnan den Mediano Oriente

NEW YORK, 8 Jan. Secretario general di Nacionnan Uni Oe Thant a bisa den un lezing pe universidad di Colombia, awe nochí qu economisacionnan militar na Merca y Rusia ta priminti algu bon pe añu qu a caba di cuminza. Pero e no ta mira ainda ningun indicacion qu un era di oro pa mhor comprension a cuminza apesar dje recien pasonan den direccion di destension. Oe Thant a avisa qu dificultadnan den mediano oriente e añu aki mes lo pidi mas atencion di Nacionnan Uni. E no a bisa nada mas dje asunto aki, pero observadornan ta ke-re qu e ta nifica aknan qu e ta referi aknan e conflicto entre Israel y paisnan Arabe tocante e awa di riu Jordan. E secretario general ta hanja perspectivanan di finanzas dje organizacion di Nacionnan Uni desalentativo, no solamente pa motibo dje deficit di 134 (mas o menos 250.210.000 florin antillano) pero tambe pasobra e kon-venio ta contene e stipulacion qu tur esnan qu debe dos o mas añu ta perde derecho general di vota. Rusia ta cai bow dje categoria aki.

Culpa dje Hudionan

Cairo, 8 Jan. Na ocasion dje epifania, fiesta di Pascu dje iglesia nan orthodox, e patriarca dje iglesia orthodox Koptico, Kyrrillos el Sexto, a laga lesa un mensahe foi pulpito nan den iglesia nan cu ta keda bow di su mando. Den esaki e ta bisa, cu e hudionan, apesar di tur cos cu nan sa foi escrituranan y profetisacionnan tocante llegada di Messias y apesar dje predicacion di Juan Bautismo, a traiciona Cristu.

Nan tabata speredo, segun e Patriarcha, però nan a tratele como un enemigo y a conspira contra dje. No foi ignorancia pero foi temor, cu nan lo perde nan puesto, pa motibo di invidia y odio nan a matele. Na final di su mensahe e patriarcha a roga Dios, cu e lo spaar president Nasser, e pionier dje renasimentu dje nacion. Den circulan di Egipto nan ta considera e mensahe aki como un contesta nobo riba documento dje concilio Vaticano, cu e hudionan no por wordu culpa pa crucificacion di Cristu y cu henter humanidad ta carga culpabilidad pe hecho atroz aki.

Het Bestuurscollege van het Zilandegebied Aruba

maakt bekend dat op Donderdag 23 januari 1964 om 11.00 uur openbare aanbesteding wordt gehouden op het kantoor van het Hoofd van de Dienst Openbare Werken voor de levering van 5.000 zakken Portland cement.

Inschrijvingsstukken zijn op voormeld kantoor verkrijgbaar ad fl. 1.--.

Robo den tres empresa

NEW YORK, 8 jan. Tres bandido cu bril pretu y arma cu pistol a penetra ayera den un cas na New York. Nan tabata kibrando un caha di placa dje habi-

tante dje cas cu nan tabata tene na un distancia cu pistol, ora cu a ser jama na porta. Un dje bandidonan a puntra ta ken, y e contesta tabata agente di seguro. E homber a ser invita di drenta, y a wordu roba inmediatamente di 150 dollar y mester a para cu man na laira den hocki dje sala. Poco despues a ser

jama na porta atrobe. E biaha aki tabata e lechero, cu tambe por a drente y a perde 200 dollar. Den e caha di placa tabatin 50 dollar y e ladronnan a plama panja bai cu nan 400 dollar obtene facilmente.

Rode Zee ta juda bapor Griego

ROTTERDAM, 8 Jan. E remolcador Rode Zee di L. Smit en Co. a remolca na 375 milia na este di Panama e bapor Griego di motor King Leonidas, cu a hanja defecto na su machin. King Leonidas lo wordu hiba Cristobal, caminda e lo jega segun nan ta spera mayan mainta.



Campeonato Little League ta cuminza 16 di Februari

(Di Nos Redactor Deportivo)
E directiva di Oranjestad Little League a reuni diajuna anochi den su promer reunion di anja 1964, y ey den a keda dicidi cu e campeonato di Little League lo worde inaugura riba dia 16 di februari. Lo participa aprobe un total di 12 equipo, dividi den dos grupo manera tabata e caso anja pasa.

Un liga lo ta yama North League consistiendo di e equiponan Nutricia, O So Grape, Pepsi Cola, Aruba Caribbean Hotel Casino, U.S. Keds y Wrigley's P.K. 2 y ta e teamnan di pabao di Spaanse Lagoen.

E otro liga lo ta yama South League y lo tin e siguiente seis equiponan Libby's, American Legion, Aruba Lions, Super Cleaning Aruba Rotary y Viana.

Ariba e fecha di inauguracion lo tin unceremonia manera custumbra, cual lo consisti di desfile di e 12 equiponan y e acostumbra discursonan. Nos ta kere cu ta un bunita tradicion di Oranjestad Little League pa duna un cierto importancia extra na e apertura di e campeonato anual cu un ceremonia. Di e forma

Ayuda na Skoplje cu a sufri temblor

BELGRADO, 9 jan. E luga di Jugoslavia Skopje cu anja pasa na juli a worde azota pa un temblor di terra a ricibi te januari placa y material di mas di un balor di 35 million dolar, segun e agencia di prensa di Jugoslavia Tanjoeg a participa. Mas di 14 million dolar a bini di 73 pais, fuentenan di Jugoslavia a duna 21 million dolar. E president dje fondo di ayudo y rehabilitacion pa Skopje Dragojoe Stavrev, a bisa ayera na un conferencia di prensa cu 1280 familia adrenta den casnan nobo y cu 8700 familia a hanja ayudo financiero. Mas di 7500 hoben ta ricibi cuminda gratuitamente.

Goldwater kier juda Cubanonan anti-castro

E senador Republicano Barry Goldwater ayera a declara na Concord den estado Mericano New Hampshire, cu e ta sinti algu pa duna desterradonan Cubano proteccion foi aire na un atake riba Cuba, si e worde eligi president di Merca. Lo mi lo duna e desterradonan aki instruccionnan, provisionnan y sorru pa nan llega riba Cuba, segun el a bisa. E senador ta haci actualmente un campanja pa wordu eligi candidato pe presidencia door dje republicanonan.

Señora Oswald no ta keha ningun hende

DALLAS, 9 jan. Senjora Lee Harvey Oswald, a jega ne conclusion cu su casa a mata president Kennedy y di no tin idea di liba un keho contra ningun persona, segun su abogado a bisa periodistanan. Senjora Oswald un Rustiana di 22 anja y mama di dos jiu no ta desea di keha un o otro gobierno di e ciudad Dallas o Jack Ruby. E donjo dje club nocturno Ruby a tira Oswald mata durante esaki su transportacion pa un otro prison, dos dia despues dje asesinato riba Kennedy na november di anja pasa. Ruby lo wordu sentencia otro luna.

Jolly Teeners ta corona Reina di a 2 di februari

SANTA Cruz, 9 Januari
E hobenan di Santa Cruz cual ta forma e club hubenil "Jolly Teeners" como e promer grupo hubenil di Aruba tin nan programa pa e futuro Carnaval cla caba. Dia 18 venidero nan tin nan promer fiesta di carnaval cu lo worde teni den Paradera Club y cu lo ta na encargo di conhunto Nueva Sensacion. Dia 26 di Januari ta dia cu e voto di e diferente candidatanan lo worde conta y e reina lo worde eligi. Como candidata tin awor aki pa Reina di Carnaval di "Jolly Teeners" 5 dama. esta Petronilla Rasmijn, Lidia Dirks, Sita Rojas, Lidia Rasmijn y Maria Lampe. E Reina di Jolly Teeners lo worde corona dia 2 di Februari durante un baile di Carnaval den Paradera Club. Tambe un Prins lo worde eligi pa "Jolly Teeners". Aña pasa, esta 1963 Reina di Carnaval di "Jolly Teeners" tabata srta. Filomena Angela, mientras cu Prins tabata sr. Joppi Ras.

Papa Pablo lo hasi mas viahenan

CIUDAD DEL VATICANO, 9 Jan. Segun anuncia foi circulanon i-noficial pero bon informa. Papa tin idea di sali pa Merca riba invitacion di president Johnson. Ne ocasion aki e kier a tene un mensahe di paz pa Nacionnan Uni.

Segun a ser anuncia tambe ta kasi sigur cu Papa Pablo na fin dje aña aki lo sali pa Bombay pa asisti ne congreso eucharistico mundial cu ta ser tene aña nan dia 28 di November te seis di December, pero Vaticano no a duna un segurasion oficial ainda.

Programa di fiesta Club Caribe

Oranjestad, 9 Januari
Diamars anochi e directiva di Club Caribe hunto cu e comision di fiesta a reuni, na unda e programa completo pa e futuro fiestanan di jubileo a worde stipuia definitivamente. Manera cu a worde pronostica caba e fiestanan di jubileo y carnaval ta un poco door di otro. Pero sin embargo e programa ta priminti di duna e miembronan di Caribe 14 dia alegre cu deporte, barbecue y ballamento.

E programa segun el a worde prepara awor ta lo siguiente: Diadomingo 12 Jan. 1964. 16.30

R.C.A. tin dos candidata pa Reina di carnaval

Oranjestad, 9 Januari
Despues di añanan largo tabata un club cu e accento especialmente ariba ramonan di deporte, awor Racing Club Aruba, R.C.A. cu ultimamente a habri nan club nobo ta poniendo accento tambe ariba evenementonan social. Un di e evenementonan aki lo ta e participacion den e fiestanan di Carnaval 1964, cual ta yega na su punto culminante cu coronacion di e Reina di Carnaval di R.C.A. pa 1964. ariba dia 8 di Februari. Na e momento R.C.A. tin dos candidata. Nan ta srta. Dominga Margarita Giron y srta. Helen Adela Henricus. Pa e candidata cu sali Reina di R.C.A. e club a pone desponibel un biaha pa dos persona ida y vuelta pa Puerto Rico, cu seis dia di estadia paga. Esaki lo ta promer biaha cu R.C.A. ta tuma parti tambe den e parada di carnaval.

Korbal (Caribe vs T.O.F.) - 18.00 Picnic Dansant (Eleccion Irama)
Dialuna 13 Jan. 1964 19.30 Dominio (Miembronan Caribe)
Diamars 14 Jan. 17.30 Tennis (Caribe vs A.C.C. Club)
19.30 Ping Pong (Miembronan Caribe)
Diarazon 15 Jan. 17.30 Tennis (Caribe vs A.C.C. Club)
19.30 Dominio (Miembronan Caribe)
Diahuebs 16 Jan. 17.30 Tennis (Caribe vs A.C.C. Club)
19.30 Dominio (Miembronan Caribe)
Diabierne 17 Jan. 16.30 Futbol (Caribe vs Mercurio)
19.30 Dominio (Caribe vs Tivoli);

Diasabra 18 Jan. 15.30 Tennis (Caribe vs A.C.C. Club) 16.- Ping Pong (Miembronan Caribe) 20.- Teenagers Party.
Diadomingo 19 Jan. 10.- Kinder-sportdag 14.- Softball (Caribe vs Gavilanes) 18.-22.- Picnic Dansant (Eleccion Reina Carnaval y Cacique).
Dialuna 20 Jan. 19.30 Basketball (Caribe vs Aruba Jrs.) (Caribe vs R.C.A.)
Diamars 21 Jan. 19.30 Volleyball (Caribe vs Tivoli) (Caribe vs Estrella)
Diarazon 22 Jan. 20.- Anochi Cultural
Diahuebs 23 Jan. 20.30 Diner di aniversario Coronacion Reina di Caribe Entrego recuerdonan na Reina Caribe.
diabierne 24 Jan. 19.00-21.00 Re-ception Oficial Entrego di copanin di encuentronan deportivo
Diasabra 25 Jan. 21.30 Galabal (bisti di anochi)
Diadomingo 26 Jan. 13.- Barbecue Picnic Dansant.

E separacion di Berlin

BERLIN, 9 Jan. E agencia di prensa di Alemania Oriental Adn a acusa cierto circulanon occidental di trata pa torpedea contactnan coriente entre Alemania Oriental y Occidental tocante posibilidadnan pa habri muraya - Berlina.

Mas den dia funcionarionan di Berlin Occidental a anuncia qu e prome minister di Alemania Oriental Willy Stoph, a manda pe burgemeester di Berlin Occidental Willy Brandt un carta tocante dunamentu di pas. Stoph te comunista di Alemania Oriental di mas importante despues di Walter Ulbricht.

Secretario di estado Felix von Eckhardt, e plenipotensario di gobierno di Alemania Occidental na Berlin Occidental despues a declara na Muenchen, cu Stoph den su carta na Brandt a pidi pa un acuerdo tocante pasnan riba un nivel mas altu, cu esun qu nan a serra pe periodo di Pascu y aña nobo. Tambe Von Eckhardt a muestra cu un tal acuerdo entre Alemania Oriental y Berlin Occidental lo contene reconocimentunan dje gobierno di Alemania Oriental y separacion di Alemania.

Margaret Goldwater, jiu mas chikitu di Senador Harry Goldwater di Arizona lo casa cu Richard Arlen Holt di California. E matrimonio lo tuma lugar na juni di e anja aki na Phoenix.





Arzobispo Makarios, president di Cyprus a tene un conferencia di prensa na Nicosia. El a bisa cu un conferencia cu nan lo tene na Londen mester crea un estado berdaderamente independiente y liber sin intervencion di exterior. E gobierno di Makarios a keha serca Nacionnan Uni contra Turkia su intervencion durante e bringamentunan na Cyprus.

Nota di Alemania tocante Argoud

BONN, 9 Jan. Foi notanan di Alemania Occidental publica negobierno Frances tocante ex lider di ehercito secreto Argoud, circulonon di Alemania Occidental ta saca como principal consecuencia qu gobierno di Alemania Occidental no ta acentua e exigencia pa manda Argoud bek pa Alemania Occidental. Segun circulonon e ta lucha di regia e kestion aki den cuadro dje tratado Frances Aleman di amistad. Y e ta propone un comision di arbitrahe den cual un representante di ambos pais bow di presidencia di un jurista neutral lo tin sesion.

Felicitation di president Johnson di Merca pa Staten General

DEN HAAG, 9 Jan. E president Mericano Lyndon B. Johnson a manda den mensahenan pe presidentenan di ambos camara di Staten General su felicitacion en ocasion dje di 500 aniversario di parlamento Ulandes. Tambe president dje camara Mericano di delegadonan senyor John McCormack, y senador Carl Hayden, president pro tempore dje senado a mandanan felicitacionnan. President Johnson a bisa den su mensahenan na Mr. Jonkman y Mr. Van Thiel entre otro den historia di instalacionnan democratico algun capitulo masha biew y orguiloso a ser scribi pa Staten General. E principionan di nos propio declaracion di independencia ta bini kasi dos siglo despues - parciamente den e pa-

Surnameonan na Hulanda

AMSTERDAM, 9 Jan. En relacion cu e dificultadnan cu tabatin cu e Surnameonan cu a llega Ulanda pa traha, ministerio di obra social lo laga haci un investigacion pe problemanan di acomodacion y adaptacion dje Surnamenjonan na Ulanda. E investigacion aki ta ser haci riba orden dje ministerio, pa profesor Koebben, profesor director dje Instituto cultural antropologia dje universidad di Amsterdam. Profesor Koebben a participa qu e investigacion aki ta avansa y pronto probablemente na februario mes lo finalisa.

labranan aki prome cu e declaracion cu Staten General a haci na 1581. Tur esnan cu kier un gobierno liber representativo ta debe boso y boso antesonan hopi. Senyor Johnson a recorda den su telegram tambe cu placer extraordinario su rechen bishita na Staten General y su encuentro cu senjoresnan Jonkman y Van Thiel. Mi ta desea boso y boso coleganan un exito continuo den

REDDISTILLING UNIT DI SHELL A YEGA NA SU PUNTO DI MAS HALTU

WILLEMSTAD, 9 Jan. - Ayera mainta riba terreno di fabrica di Shell Curacao N.V. bandera a worde hisa den top di e schoorsteen cual nan ta trahando di e Reddistilling unit 3, cual awor a alcanza 100 meter mientras cu esaki ta su punta di mas haito. E trahamento di e schoorsteen haltu di beton aki, cual ta pa reemplaza esun mas abao cu ta un exemplaar di staa, ta den kader di e lucha intensiva di e compania cual e ta hibando anjanan caba contra sushamento di aire y awa. E bron di sushamento di aire ta worde forma pa huma cu ta bini di e forno y ketelnan cualnan ta indispensable pa un compania di zeta. Door di hiba e huma gasesosa riba un altura mucho mas ariba ta worde alcanza cu esaki ta hinder menos. E gastonan pa fabrica e schoorsteennan aki, cualnan ya tin nuebe den servicio, ta costa fl. 300.000.-

Situacion na Cyprus

NICOSIA, 9 Jan. Hopi dje barricadanan riba caminda di Nicosia na Cyprus ayera a ser kita como consecuencia dje acuerdo entre habitantenan Griegionan Turco di Isla. Den teritorionan Turco di Cyprus ayera tardi caba ya nan a kita hopi dje barricadanan. E comisario Britanico altu Sir Athur Clark, ta spera cu nan lo drecha e comunicacionnan normal, cu excepcion dje luga Lefka. E becindario dje linea di armistio na Nicosia ta desola, solamente trupanan Britanico ta tene patrulla. Den ambos parti dje ciudad bida di sigi normal.

Un bocero dje comunidad Turco a bisa cu di fuente Turco nan ta warda cu kitamentu di barricada te ora cu e Griegionan kita esnan di nan. Den algun parti dje ciudad te ainda Turconan arma ta sigi cu detension di auto y control pa identidad.

Papa lo nombra cardinalnan

CIUDAD DEL VATICANO, 9 Jan. Segun rumornan na Ciudad del Vaticano Papa Pablo tin idea pa reuni na cuminzamentu dje vendero periodo grandi di yuna na Februari proximo un consistorio pa nombra cardinalnan nobo. Nan ta spera e anuncio un luna padilanti, esta den e luna coriente aki mes pa scohe actual candidatonan pa puesto di cardinal. Ta ser nombra entre otro monseigneur Heenan, arzobispu di Westminster, monseigneur Conway, arzobispu di Armach, monseigneur Colombo, arzobispu di Milano, monseigneur Florit, arzobispu di Florence y monseigneur Dante, secretario dje congregacion Vaticano di Riten.



INIGUALABLE.....
„RED (sweet)
BIANCO (white sweet)
AND DRY,,

Bahamas a hanja autonomia

Nassau, 9 Jan. Gobernador Sir Robert Stapledon ayera a entrega gobernacion ne promer minister dje Islanan Bahama, Sir Roland Symonette. Durante deliberacion nan na Londen na mei di anja pasa, nan a stipula un aregio nobo pa auto determinacion pa Bahama, cu actualmente a drenta den ehecuacion. E constitucion nobo ta bini den lugar dje constitucion di 235 anja bieuw, cu den hopi obsekio ta igual cu e constitucion dje colonlanan Norte Americano di Inglatera pe guerra di independencia den siglo 18.

Autobusnan pa Cuba

Director dje fabrica Britanico di auto, caminda nan ta construi pa cuenta dje gobierno Cubano 400 bus, a participa, cu el a serra un contract cu un compania di Alemania Oriental di navegacion pa transporte dje busnan aki pa Cuba. Pa motibo dje embargo Mericano riba comercio cu Cuba e no por a convene astilleronan Britanico pa haci cargo dje transporte aki. E ministerio Mericano di exterior manera anuncia tabata contra e transaccion cu e Cubanonan na cual tin un suma di mas o menos 20 millon florin.

boso actividadnan parlamentario, asina e president Mericano a termina su telegram.

Desgracia na Peru

Na un desgracia di traficonan Surinam Peru ayera a muri 16 persona mientras 30 a keda herida. E bus den cual nan tabata, a bolter riba un caminda cu a danja door di un calda duru di sneeuw.

Tata di Delfina su juinan a reconoce di a comete e crimen na Vredenberg

Willemstad, 9 Jan. - E tata di e dos junan mas chikito di Delfina Philips, cual antayera nan a hanja morto den mondi di Vredenberg a reconoce e hecho cu el a cipio di tabatin algu di haber cu e hecho aki. Despues cu recherche tabatin basta prueba contra dje el a acepta su crimen. El a acepta di tabatin pleitu cu Delfina. Motibo di esaki tabata un kestion financiero basta haito. En relacion cu hanjamentu di e morto den mondi di Vredenberg den anochi di dia luna, recherche a hasi un investigacion cu e conduci na detencion di e tata di es dos junan di mas chikito di e victima. Despues di a ninga na principio,

ayera mainta tempran el a reconoce di a choke y a mate di tal manera y despues pega su panja na candela.

Despues di mas investigacion a resulta cu e sospechado ya basta tempu tabatin dificultad cu e victima pa motibo di pidimento di placa cada bez. Tabatin un bringamento chikito den cual el a choka Delfina y mate di tal manera.

Despues di esaki A., kende ta casa y tin un jiu legal, a cende panja di e victima na candela. E victima ta biba cu su tres junan cual respectivamente tin cinco, tres y un anja, serca su mama. E investigacion ta sigi mas aleeuw.

AGENDA

ARUBAANSE COURANT

diariamente cu excepcion di
diadomingo
su subscripcion f. 3.25 pa luna
edicion los 20 ct.

edita pa:

N.V. Arubaanse Druk-
kerij - en Uitgevers-
en Publiciteits Mij.

imprimi na:

N.V. Drukkerij
„de Stad,,

Telefoon 1116 Directiva
y redaccion, 2116 Anun-
cio y subscripcion.

Directeur hoofdredacteur:
D. Wolff.

CINE

Diahuebs 9 Jan:

De Veer: 8.30 p.m. "Walk on
the Wild Side" 18 j
Rialto: 8.00 p.m. "A Raisin
in the Sun" 18 j
Principal: 8.00 p.m. "Maciste
in the Land of the Cyclops" 18 j
Aurora: 8.00 p.m. "Days of wine
and roses" 18 j
Savaneta: 8.00 p.m. "Vacaciones
en Acapulco" all

BOTICANAN DI WARDA

Oranjestad: Botica Oduber Tel:
1780.
San Nicolas: Botica San Lucas.
Tel: 5119

DOKTERNAN DI WARDA

Oranjestad-Noord: Dr. J.R. Leo
San Nicolas-Sta Cruz-Sav: Dr.
A.v.d. Hoeven.

TELE-ARUBA

Diahuebs 9 januari

05.30	Cartoons
06.00	Industry on Parade
06.30	Corliss Archer
06.45	Papamento New Cast Li- ve & Filmnews
07.00	Sea Hunt
07.30	Sports News
07.45	Tombstone Territory
08.15	NHoneymooners
08.45	English Newcast Live & Filmnews
09.00	Ben Casey
10.00	Sign Off.

RADIO CARACAS TELEVISION

Diahuebs 9 januari

8.45	Senderos de luz
9.00	Cajas con sorpresas
9.30	Jardin de infancia
10.00	Documentales
10.30	Cosas de mujeres
11.15	Quien es quien en T.V.
11.45	Novela
12.00	Ahow de Saume
13.00	Noticias
13.05	Cont. Show de Saume
13.15	Se necesita una amiga
13.35	Novela
13.50	Yo se lo vendo
14.20	Quinto y aparte
14.45	Estudio Hector Monte- rde
15.15	Perfecta ama de casa
15.45	Aventuras de Popeye y Reyo
16.15	Tejas y sus muchachos
16.45	Husque su marca
17.15	Dr Francis Drake
17.45	Noticias
17.50	El Santo
19.00	Los tres hijos
19.30	Magnet
20.00	El observador
20.15	Novela
20.30	Esta noche Bllio
21.00	El matrimonio perfecto
21.30	Los defensores
22.30	Noticias
22.35	Cine para todos



Cumpleañjos Congreso tocante desarrollo di Latino America

Dia 8 di Jan, a cumpli 1 año
hobencita Mariela Werleman, fe-
licitacion ta bini di su tata Pa-
blo, mama Candida, rumanan El-
vira y Julian, welanan Lina y
Nina, welona n Ireño y Juan,
tanta y omonan, primo prima-
nan, padrino Atanacio Geerman,
madrina Modesta Dello, familia
Werleman, Vrolijk, Kelly, Beilo,
y Rock.

Awe dia 9 di Jan, ta cumpli
año hobencito Julian Werleman,
felicitacion ta bini di su tata
Pablo, mama Candida, rumanan
Elvira y Mariela, welanan
Lina y Nina, welonan Ireño y
Juan, padrino Nady Vrolijk, ma-
drina Maxima Kelly, tantanan
y omonan, primo y primanan,
muy especialmente di su tanta
Gela, primo Mario, Magali y Ja-
ckeline cu ta na Corsow y de-
mas famia Werleman, Vrolijk,
Kock, Kelly y Beilo.

WIT-GELE KRUIS

Oranjestad: Zr. Ewald
San Nicolas: Zr. Perpetua
Santa Cruz: Zr. Ludovic

Acuerdo pa atende kestionnan di Indonesia/Filipina

MANILLA, 9 Jan. President Soe-
karno y president Macapagal a
bira di acuerdo di laga comi-
sionnan economico y politico se-
para atende y kestionnan di In-
donesia y Filipina. Despues dje
entrestista cu Soekarno tabatin
cu president di Filipina.

E president Indones abisa como
contesta riba preguntanan si nan
tabatin progreso: „Semper tin a-
delanto. Funcionarianan Indones
cu a companja Soekarno a des-
menti cu e president a trata pa
convence president Macapagal, di
uni ne confrontacion Indones con-
tra Maleisia. E boserio oficial
dje ministerio Indones di exterior
a bisa: Tantu foi punto di bista
politico como economico, Indone-
sia por comete confrontacion riba
su mes. Apesar di esaki nan ta
kere den circulacion oficial di
Filipina, cu un confrontacion
comun contra Maleisia te fin mas
principal dje president Indones.
Gobierno di Filipina sin embargo
ya a aclara, di ta desea un re-
baho di tension pa cu Maleisia.

DEN HAAG, 8 Jan. Mas di cien
estudiante foi Hulanda y otro
paisnan di West Europa y La-
tino America a reuni na Den
Haag den un congreso pa papia
tocante desarrollo di Latino Ame-
rica den cuadro di integracion
Europeo. Su atesa real prince-
sa Beatrix ayera mainta a asis-
ti den Ridderzaal e sesion di

Arrestacionnan na Ghana

ACCRA, 9 Jan. Ayera nan a a-
resta na Ghana dos funcionario
altu di polis y un consoido abo-
gado. Mayoria dje grupo di po-
lis cu tin autorizacion a keda
retira inmediatamente.

Medidanan aki ta tene relacion
cu e atentado di morto riba pre-
sident Nkroemah diahuebs pasa.
E atentado a fracasa. Segun anun-
cio oficial di gobierno un polis
cu a los cinco tiro riba e hefe
di estado kende su guarda espal-
da a keda mortalmente herida a
comete e atentado. E president
a keda lieso.

Ora cu nan a anuncia e aten-
tado, tabatin un ola di protesta
contra actuacion di polis.

Demonstracion na Argelia

ARGEL, 9 Jan. Mas o menos
tres cien persona cu a keda a-
resta ayera despues di un demos-
tracion anti gobierno na Oran,
lo meste comparese dilanti cor-
tenan special di justicia.

Segun un noticia di corant e de-
mostrantenan tabata mineronan
sin trabow, cu a sali pe stad-
hul mientras nan ta grita leman-
nan dirigi contra gobierno y ta
kibra bentananan di gas.

E cortenan di husticia a wor-
du crea ayeranochi pe minister
Argelino di asuntunan interino,
cu a sali pa Oran despues dje
prome noticianan tocante e de-
mostracion.

Segun testigonan e militarnan cu
a bin restablece orden, ora cu
a resulta cu polis no tabata ca-
pas, a tira den laira prome cu
e demostrantenan a plama foi
otro.-
Noticianan foi Oran a anuncia
qu awe tabata ketu.

Inauguracion caminda minister
di exterior mr. Luns, a tene
un discurso.
Ne congreso cu principe Bern-
hard ta protector, a participa
estudiantenan di mas o menos
35 pais Latino Americano, cu
ta studia a universidadnan o
hogeschoolnan den paisnan di
West Europa. E congreso lo ter-
mina diasabra awor y ta organi-
sa pa gruponan estudiantil pa
kestionnan internacional di desa-
royo.

Profesor Albregts cu a papia
despues di minister Luns a bisa
qu e congreso aki ta un sorto
di oficina di cambio di ideanan.
E conclusionnan qu e participan-
tenan lo tuma lo no contene
solamente ideanan pero tambe
hechonan cu lo sigui.-
Tambe e profesor a bisa cu no
meste sali pa Latino America
qu e idea cu Europa ta superior.
E dos continentenan aki tin un
trabow den mundu. Si nan com-
prende otro, mision comun lo
tin un balor grandi pa desaroyo
mundial, qu ta exigui bator y
pasenshi.

Bishitantenan di
Berlin West huntu cu
Berlinesnan di Oost
ta bali durante anja
nobo den un restau-
rant na Berlin Oost.
Hopi habitante di
Berlin Oost a hiba
nan huespednan di
Berlin West pa ca-
fenan pa celebra an-
ja nobo.

Combinacion Frances-Holandes

DEN HAAG, 9 Jan. E comisaria-
do frances di gobierno pa ener-
gia di atoom lo encarga e com-
binacion Frances - Ulandes Stac
Neratoom cu e construccion dje
reactor nuclear „Rapsodie,, cu el
a disenja.

Rapsodie te prome reactor ti-
he qu ta ser construi na Fran-
cia den e centro di Atoom Ca-
darache. E ta alavez e prome
riba e continente Europeo.

Diferente opinionnan riba e kestion Berlines di pas

BONN, 9 Jan. Den e partido
di democraatnan christian di can-
siller federal Erhard ta crese
un oposicion contra un eventual
acuerdo nobo cu Alemania Ori-
ental tocante e posibilidad di bi-
shitantenan di Berlinesnan Occi-
dental pe parti Oriental dje ciu-
dad. E observadornan na Bonn
a yega ne conclusion aki.-

Na Berlin Occidental funciona-
rionan di gobierno ta di opinion
cu e chensnan eriba un acuerdo
nobo ta mas o menos 509 por-
ciento.-

Na Bonn e lider di gobierno
di Alemania Occidental a declara
cu no ta posibel mas concesion-
nan sin dje peliger pa reconosi-
mentu dje gobierno comunista
na Alemania Oriental. E repre-
sentante di Alemania Occidental
na Berlin Occidental Von Eck-
hardt, a bisa tocante e kestion
di pas, nos ta riba un caminda
sumamente dificil.

E burgemeester socialista di
Berlin Occidental Willy Brandt,
ta un partidario fervoroso di un

acuerdo nobo cu Alemania Ori-
ental. E lider dje democraat-
nan liberal liber Erich Mende
cu ta forma parti dje coalision
di gobierno tambe kier mas de-
liberacion entre senado di Ber-
lin Occidental y Alemania Ori-
ental. Ta intension pa reanuda e
conversacion e siman aki mes.
Na Bonn representantenan dje
gobierno federal y direccion dje
ciudad di Berlin Occidental aye-
ra a yega di acuerdo tocante
un continuacion di deliberacion
tocante e kestion di pas.

Segun cansiller federal Erhard
a declara, nan no tin mag di
yega mas lew cu un aregio pa
e periodo di pascu cu a pasa
caba.

Tambe e desarollonan tecnico
na un aregio nobo meste mihora,
asina cu no tin meste mas cu
e Berlinesnan Occidental durante
oranan largu- varios biha en
vano--mester trata den frialdad
pa hanja un pas. Tambe nan mes-
ter lucha pa duna pasnan cu mas
frecuencia.



Berlinesnan Occidental no a regresa ainda for di bishita

BERLIN, 8 Jan. Tres habitante di Berlin Occidental, cu durante Pascu y anja nobo a bishita Berlin Oriental no a regresa. Asina funcionarionan dje direccion di e ciudad participa ayera. Un di nan ta aresta na polis di Alemania Oriental, nan no sa pa cual rason.

Un otro homber ta presu pa guardianan di Alemania Oriental ora cu el a trata pa laga su ruman homber hui pa Berlin Occidental. No ta conoci pakiko e di tres Berlines Occidental no a regresa su cas.

Wolfgang Klempel di 21 anja cu polis a aresta a ser detene segun polis di Alemania Oriental, pa motibo di violacionnan.

E di dos Aleman Occidental cu no a regresa ta Detlev Swoboda di 21 anja kendenan no sa nada di dje.

E di tres Aleman Occidental Guenter Kirch di 25 anja a regresa Berlin Occidental. El a keda detene ayera noch pasombra segun testimonio e tabata den estado di ebriedad y a trata di hui cu su ruman homber pa Alemania Occidental. osslego pa nehru

Entrada pa Berlin Oriental

BERLIN, 8 Jan. E promer minister interino di Alemania Oriental, Stoph, a manda un carta pa burgemeester di Berlin Occidental Brandt, tocante un eventual alargamento di e areglo segun cual en ocasion di cambio di anja, e Berlinesnan Occidental por a bishita e parti Oriental dje ciudad.

Burgemeester Brandt a bisa despues cu Alemania Oriental no a haci ningun proposicion practico pe areglo nobo di pas, tampoco den e recien carta di minister Stoph. Berlin Occidental a anuncia su punto di bista na Alemania Oriental, segun Brandt.

Carta di Stoph pa burgemeester Brandt

BERLIN, 8 Jan. E agencia di prensa di Alemania Oriental ADN ayera noch a acusa cierto circulon occidental di kier trata di torpedea contractonan coriente entre Alemania Occidental y Oriente tocante posibilidadnan obo pa habri e muraya Berlin atrobe. Mas den dia funcionarionan di Berlin Occidental a anuncia qu e prome minister di Alemania Oriental Willy Stoph, a manda un carta pa burgemeester di Berlin Occidental Willy Brandt tocante dunamento di pas.

Stoph, te comunista di Alemania oost di mas importante despues di Walter Ulbricht. Den circulon occidental nan tabata sor-

presa cu Brandt a acepta un carta di un Aleman Oriental altu tocante kestion delicado di pas. ADN, a bisa ayera noch que carta di Stoph tabata confidencial pa evita qu e venidero deliberacionnan lo wordu pone den peliger. E ta yama publicacion dje carta un violacion di confianza. E mesun personan ya a trata di sabotea e deliberacionnan cu tabatin como consecuencia pasnan di Pascu, segun ADN. E agencia di prensa ta bisa den e carta ta ser propone un reunion di Brandt cu e vice prome minister di Alemania Oriental Alexander Abusch.

Bida na Rusia

MOSCU, 8 Jan. E dean dje cuerpo diplomatico di Moscu, e embahador sueco Rolf Suhlman, a bisa na un recepcion di despedida, di a mira durante su permanencia di 16 anja na Rusia cambionan fundamental den e pais aki. Como contesta riba preguntanan di periodistanan el a bisa: Mi ta kere cu situacion den henter e pais a cambia radicalmente, pasombra e relacionnan entre un individuo y autoridad a cambia completamente. Nan seguridad juridico ta actualmente otro. E diplomatico di 63 anja, cu ta casa cu un Rusiano, a bisa cu rasonan den dianan di Stalin no tabata conose seguridad personal y cu provicionnan material tabata otro fo loko nan ta actualmente. Suhlman a sali ayera pa Estocolmo, caminda e lo keda como embahador na Copenhague. Su sucesor ta Gunnar Jarring, actualmente embahador na Washington.

Papa Pablo ta bendicir e multitud prome cu el a sali pa Jerusalem na e aeropuerto di Roma. Na drechi president di Italia Antonio Segni y na robes e alcalde di Roma Glauco della Porta.

Epidemia di polio na Argentina

BUENOS AIRES, 8 Jan. Riba orden di autoridadnan dje servicio Argentino di salubridad nan ta transporta mas liher posibel bacuna antipolio pe provincianan noordwest di Argentina, caminda ta reina actualmente e enfermedad terrible aki. Segun calculacionnan oficial 58 persona den e provincia Jujuy ta contagia.

Directiva di iglesianan Orthodox

JERUSALEN, 8 Jan. Segun a ser anuncia actualmente Papa Pablo Sexto y Patriarcha Athenagoras di Constantinopel durante nan encuentronan na Jerusalem a pia tocante e posibilidad di un reforma di directiva dje iglesianan orthodox y tocante e proposicion dje patriarcha pa haci e isla Patmos un lugar di peregrinacion pa henter Cristianismo. Riba e isla Patmos e apostel Pablo a permanece y e evangelista Juan a scirbi e boeki di revelacion. Athenagoras a bisa na Rhodos, caminda el a permanese di viahe pa Jerusalem di lo pone Papa na altura dje plannan pa reforma di directiva.

1 Luna gratis subscripcion

Bo ta lesa Arubaanse Courant

12 luna, pero ta paga

unicamente 11 esta si.....

abonadonan cu entre awe y dia 15 di Januari 1964 paga nan subscripcion pa henter anja 1964 den un solo biaha ta hanja e courant un luna gratis y ta paga 11 x Fl. 3,25 = Fl. 35,75

BO TA SPAAR FL. 3,25

Bo por paga na nos oficina of cerca un di nos cobradornan

(p.f. no serca e muchanan cu ta parti courant)

RIP KIRBY

Agente exclusivo di

pa cortesia di:

FRIESCHE VLAG

lechi evaporado y lechi en polvo

JAN BODEGOM & CO (ARUBA) N.V.

MAXWELL HOUSE KOFFIE.




DICK TRACY

pa cortesia di:

ANTILLIAN HARDWARE CO.

E mihor adres pa VERF, KWASHI, TUR HERMENT, ARTICULOS SANITARIO.



CISCO KID

pa cortesia di:

ARUBA BOTTLING COMPANY

NESBITTS den varios sabor, e refrescan mas pidi y mas gusta na Aruba




BUCHI ROBEZ

pa cortesia di:

PIET'S SODA FOUNTAIN

Tel. 2123

E mihor adres pa snacks, tur clase di dushi, softdrinks, ice-cream y revistas.



PEPITA



HOROSCOPO PERSONAL

Pa diabiernes 10 di Januari

ARIES 21 maart - 20 april
Tuma parti den actividadnan social, bo tin mester di diverticion apesar cu lo costa bo trabao pa convence bo mes di esey.

TAURUS 21 april - 21 mei
Acento por cal awor riba trabao diario y bo salud. Tene un bista riba bo famia y controla bo garderobe, bo plannan por cambia henter dia.

GEMINI 22 mei - 21 juni
En general influencianan di planeta ta favorable pa bo y acento ta cal riba hobby y diverticion. Trata pa evita gastonan extravagante.

CANCER 22 juni - 23 juli
Lo ta dificil pa bo awor pa lagatur cos marcha segun abo kier. Keda den becindario di bo cas y dedica extra etencion na bo famia anochi.

LEO 24 juli - 23 augustus
Actualmente bo sinti bo mes masha tranquil, mientras cu acento ta cal riba contactonan cu bo famia y bisnjanan.

VIRGO 24 augustus - 23 september.
Dedica hopi atencion na asunto nan di placa awor y no laga nan ganja bo cu proposicionnan falsu. Trata pa hanja efectivonan necesario.

LIBRA 24 september - 23 oktober.
Acenonnan mas principal ta cal riba bo bida personal, amor y matrimonio. Bo por gana hopi door di actua rapido.

SCORPIO 24 oktober - 22 november.
Bo forza mas grandi ta keda den e hecho cu bo ta keda den background y percura pa e trabao worde hasi. Revisa bo plannan financiero.

Centro Espiritista SUFRE? ESTA TRISTE?

Consulte hoy mismo A- Nueva Organizacion de ayuda GRATUITA. Ordene su EXAMEN para indicarle la solucion de su problema. Envie su nombre y direccion fecha de nacimiento y el nombre de un difunto familiar.
Director: ELOHIN GENESIS Apartado Aereo No. 1365 Quito - Ecuador
NOTA: Escriba solo a esta direccion.

SAGITARIUS 23 november - 21 december
Bo lo topa poco conocirnan nobo y interesante den e tempu aki. Bai cu culdao den bo compromisonan durante e periodo aki, trata pa economisa.

CAPRICORNIUS 22 december - 20 januari
Influencianan di planeta actual ta pone acento riba bo negoshi y ambicionnan social y bo por spera un posicion ventahoso.

AQUARIUS 21 januari-19 februari
Tin un aspecto mejor en relacion cu contactonan social y diverticion, mientras acento ta cal riba noticianan cu bo lo ricibi awe.

PISCES 20 februari - 20 maart
Percura pa bo reservanan no ca door di ideanan impracticables. Controla si otronan ta papia berdad riba tereno financiero y prijsnan.

Raab a muri

VIENNA, 9 jan. Ex cansiller di Austria Julius Raab a muri ayer na edad di 72 anja.